

Fasnacht 2019



Ich sitz im Kaffi bi am Zmorge in dr Hand e feins Baquette
E Typ sitz dort vo Hinde dank i dä schint no sehr adrett
Mii Häärz das glopft und glopft und glopft bis är sich zu mir drääit
079... hätt i solle saage - 0815... haan i gsaait

Drämmlifaarer sind alli froh au dr Schälledramper Hampe
Sit dr Äifach-Haltstell mues äär nüm uff sini Schälle drampe
Wotsch jetzt neu in s Drämmli go muesch uff dä Grieni Balgge stoo
Das wär jo alles schön und guet wurd emol e Drämmli koo

Dr Schugger Hans isch gigerig uff s Schuggermüüsi Heidi
Au s Heidi fummet gäärn am Hans das liebe si halt, beidi
Denn risse si sich Gläider wääg düen enander richtig nee
Und das alles kasch jetzt Live uss em Schugger-Tesla gsee

I stress in d Stadt, due vo aim Lade in andere lauffe
I muess für my Göttibueb e Legobausatz kaufte
Do Kauft ain aber alli wägg i könnti däm grad eins haue
Jetzt isch das doch dä Donald Trump är bruucht die zum sini Muere baue

Ich weiss nit was ich sage soll ich ha mieh mit dene Dame
Gut-Berahmi, Lütenegger-Oberholzer deene lange Doppelname
Schneider-Schneiter Käller-Suter ich grieg jetzt denn e Krise
Jetzt wart ich denn nur no uf minu-Silberise

D Bundesröötin Doris Leuthard jä jetz isch s sowit
Si bolitisiert nüm in Bärn het für unser Kaffikränzli Zit
Miir schwätze übers koche, strigge und üüber Männer au ganz gäärn
Wie me Kueche bacht han i ihre zeigt jetz wott si ganz schnäll zrug uff Bärn

Mir zwäi sind voll kriibeligg und völlig uss em Hüüsi
Dr Hansi Hinterseer chunnt uff Baasel jo, das Schlagersänger Müüsi
E Diäät muess ahne Pizza, Schoggi, Faasnachtskiechli alles andere kasch vergässe
Für e flache Buuch muess me nur äifach flachi Sache ässe

D Kaffidante darf jetz Gschalte faare glernt hett si s Automat-isch
Das mit de Gäng das schnallt si nid sisich wirgglig problematisch
Si lüttet aa «I kumm nid vorwärts» do mein i nur ganz drogge
Bi ich im Auti nid derbi muesch du uff die linggi Site hogge

Wotsch au by uns bänggle?
Uff www.vsg-basel.ch erfahrsch meh!

